

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
**KANTONALNO TUŽILAŠTVO/TUŽITELJSTVO SBK/KSB**  
**T R A V N I K**

**Broj: T06 0 KT 0035290 24**

Travnik, 12.03.2025 .godine

**OPĆINSKOM SUDU U BUGOJNU**  
**Sudiji za prethodno saslušanje**

Na temelju članka 45. stavak 2. točka i.), i članka 241. stavak 1. Zakona o kaznenom postupku Federacije Bosne i Hercegovine, p o d i ž e m:

**O P T U Ź N I C U**

**Potvrđena dana 18.03.2025. godine.**

**Protiv:**  
**Muhameda Gazić**

**Što je:**

U neutvrđenom vremenskom periodu pa sve do 1.6.2024.godine, na području općine Gornji Vakuf-Uskoplje, protivno odredbi članka 4. Zakona o sprečavanju i suzbijanju zloupotrebe opojnih droga („Sl. glasnik BiH“ br. 8/06, 103/08 i 51/11), radi prodaje nabavljao opojnu drogu cannabis i amfetamin, koje se nalaze na popisu opojnih droga, iako je bio svjestan da nabavljanje i prodaja opojnih droga zabranjena i htijući to, neovlašteno u više navrata prodavao opojnu drogu cannabis i amfetamin većem broju osoba među kojima su A. Č., A. B., A. B. i S. H., kao i drugim njemu poznatim osobama i to za iznose od po 20 KM po paketiću u kojem se nalazila opojna droga cannabis i po 20 KM za opojnu drogu amfetamin, da bi dana 1.6.2024.godine u vremenskom periodu od 20,50 sati do 21,30, u obiteljskoj kući u mjestu Batuša b.b., općina Gornji Vakuf, prilikom pretresa stana i pratećih objekata koje koristi Muhamed Gazić od strane policijskih službenika PU Bugojno kod sebe neovlašteno držao opojnu drogu amfetamin ukupne neto mase 0,486 grama, upakovana u prozirni pvc paketić, koja opojna droga je pronađena i oduzeta prilikom pretresa od strane ovlaštenih službenih osoba MUP Travnik uz izdatu potvrdu o privremenom oduzimanju predmeta.

Dakle, neovlašteno prodavao i držao radi prodaje materije ili pripravke propisom proglašene opojnim drogama.

**Čime je** počinio kazneno djelo “Neovlaštena proizvodnja i stavljanje u promet opojnih droga” iz članka 238. stavak 1. KZ FBiH.

***Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinnosti koje definiše da se niko ne može smatrati krivim dok mu se krivica ne dokaže pravosnažnom presudom.***